

**PROGRAMACIÓN
DO EQUIPO DE
DINAMIZACION
LINGÜÍSTICA**

CURSO 2018-2019

PLAN ANUAL DE ACTIVIDADES PARA A POTENCIACIÓN DO USO DA LINGUA GALEGA

CURSO 2018-2019

PLAN XERAL PARA O USO DO IDIOMA:

Os obxectivos do plan xeral para o uso do idioma son:

- a) Seguir a impulsar-lo uso do galego.
- b) Potencia-la competencia lingüística da comunidade escolar.

Medidas para acadar-los obxectivos mencionados:

- a) Constitución do Equipo de Dinamización Lingüística integrado por:

Profesores:

- M^a Josefa Rodríguez Valcarce
- Milagros López
- Soedade do Muíño
- Pilar Sevillano

Alumnos:

- Helena Da Costa (1º BAC-D)
- Ana Fraile Somoza (1º BAC-D)
- Brais González Fernández (1º BAC-C)
- Alba Guzmán (4º ESO-D)
- Kaike Barros (3º ESO-D)

Persoal non docente:

- Consuelo González Cortiñas

b) Medidas adoptadas e actividades que se van organizar para a dinamización da lingua galega.

MEDIDAS ADOPTADAS:

- 1.As comunicacións administrativas redactaranse en galego, agás aquelas que se dirixan á administración central.
- 2.Tódalas comunicacións a profesores, alumnos, pais de alumnos e á comunidade educativa faranse en lingua galega.
- 3.As comunicacións do centro co seu entorno (concello, empresas, medios de comunicación, etc..) seguirán realizándose no idioma galego.
- 4.Os comunicados, anuncios, letreiros e informacións en xeral, que se coloquen nos taboleiros informativos do centro, estarán redactados en galego, salvo que sexan carteis ou outro tipo de impresos que cheguen ó centro redactados noutra lingua e sexan de interese educativo ou cultural.
5. As actividades complementarias ou extraescolares (conferencias, coloquios, mesas redondas) ou actos conmemorativos e celebracións desenvolveranse en lingua galega.
- 6.O centro facilitará información a profesores e persoal da administración sobre cursos ou proxectos de formación sobre a lingua galega que organicen a Consellería ou outras entidades, e facilitará a asistencia ós mesmos.
7. O centro, mediante o EDLG, divulgará as actividades culturais (teatro, conferencias, cursos, congresos, exposicións,...) que se relacionen coa lingua e a literatura ou coa realidade galega.
- 8.Así mesmo, informará sobre as novidades editoriais, libros de texto, vídeos e outros materiais didácticos en galego que poidan ser de interese para os diferentes departamentos.

9.O EDLG participará na preparación dos materiais didácticos das materias que se imparten en galego no que se refire á corrección lingüística dos mesmos, se é requerido polo profesor ou departamento correspondente.

10.Proporase a adquisición de materiais didácticos informativos ou divulgativos de aplicación interdisciplinar. O centro está suscrito á revista Grial.

11.Participarase e promoverase a participación da comunidade educativa nas distintas festas que se celebrarán ó longo do curso (agosto, Nadal, día da Paz, Entroido, Maíos, Letras Galegas,...)

ACTIVIDADES:

O plano de actividades do curso académico 2018/2019 resulta un compendio de actividades tendente a conseguir un grao de normalización lingüística axeitado para a nosa comunidade educativa. Estas actividades insisten en aspectos destacados en anos anteriores.

Sinalados estes puntos de partida pasamos a desenvolver as actividades programadas para o ano escolar en curso:

A) Actividades dirixidas ós diferentes departamentos do instituto Eduardo Blanco Amor. Pretendemos sobre todo a incorporación do profesorado ás novas tecnoloxías informáticas que aportan un material importante vía internet a través de portais e páxinas web que ofrecen información, recursos, recomendacións, solucións...etc, usando como lingua vehicular o galego. Aquí encontraremos referencias literarias, lingüísticas, proxectos para a posta en marcha de empresas como a recuperación da literatura popular ou a tradución de programas informáticos á lingua galega, información válida para as diversas materias que conforman o currículo e por suposto que non se deixa de lado a información de carácter máis xeral.

B)Dinamización lingüística do alumnado do centro a través de diversas actuacións entre as que destacamos:

b.1. CONCURSOS.- Participación do alumnado nos diferentes concursos literarios, gráficos e musicais que se convocan desde distintas entidades educativas e culturais coa finalidade de potenciar a capacidade creativa dos escolares. Resulta unha experiencia gratificante e moi positiva na que sempre atopamos unha boa resposta por parte do alumnado.

b.2.REPRESENTACIÓNS TEATRAIS-. Como experiencia normalizadora resulta ser tremendamente atractiva para o alumnado. Non só se busca a asistencia ás representacións que en galego se fagan na cidade patrocinadas polas distintas

institucións implicadas na promoción cultural, que, por suposto, trataremos de aproveitar; senón que ademais procúrase unha actividade teatral continuada que facilite unha colaboración con outros centros educativos e un intercambio de alumnado que acode a representacións teatrais en galego, feitas por alumnos de secundaria e para alumnos de secundaria. Nesta edición de MOTECES que será a XVII contamos coa colaboración de diferentes entidades e institucións.

O noso centro ten o proxecto da formación dun grupo de teatro.

b.3. ROTEIROS LITERARIOS.- Achegamento ós roteiros literarios ourensáns que permiten un coñecemento da propia cidade. No “Ourense literario” preténdese que o alumnado descubra os costumes, vida, ambiente... dos literatos galegos. Na “Ruta da Esmorga” procúrase un maior achegamento á obra de Eduardo Blanco Amor.

b.4 ASISTENCIA A ACTOS CULTURAIS .- Asistencia a diversos actos culturais e exposicións así como a conferencias que teñan como núcleo vertebrador un maior e mellor coñecemento do idioma e a cultura galegas.

b.5. EXCURSIÓNS.- Actividades que vinculan o alumnado co medio xeográfico, histórico e cultural para que coñezan , valoren e respecten a importancia do patrimonio da cidade e dos seus arredores. Colaboración interdisciplinar, moi especialmente cos departamentos de xeografía e historia a fin de elaborar visitas nas que se combine a información lingüística, etnográfica e histórica que permiten inserir ó alumnado no medio cultural galego: visita casa-museo de Otero Pedrayo, Casa dos poetas de Celanova...

b.6. COLABORACIÓN CON OUTRAS ENTIDADES.- Colaboración con entidades e institucións que solicitan a nosa presenza e a participación dos alumnos en actividades culturais diversas: homenaxe do IES Eduardo Blanco Amor en colaboración co PEN club ao escritor Eduardo Blanco Amor coa lectura de semblanzas sobre o escritor escritas por alumnos do noso centro. Con estas actividades preténdese que o alumnado coñeza e utilice a poesía e a narrativa como forma de expresión.

b.7. CONCURSO LETRAS GALEGAS 2019. Convocatoria do concurso literario e gráfico “Día das letras Galegas”. Unha convocatoria que se vén repetindo desde hai varios anos e na que atopamos unha alta participación do alumnado. Ademais de fomentar o uso do galego e de potenciar a capacidade creativa dos escolares preténdese dar a coñecer a obra do escritor homenaxeado, Antón Fraguas.

b.8. CONCURSOS GRÁFICOS.- Convocatoria de concursos gráficos (pegatinas, carteis, postais) conmemorativos de diferentes actos relevantes no panorama cultural e social galego durante o presente curso 2018-2019. Igual que nas convocatorias presentadas en anos anteriores o que se pretende é a participación, a motivación e a extensión da lingua galega cara á novos ámbitos nos que ten pouca presenza, ou a que ten é frouxa de abondo como para que precise dun maior labor de promoción, non só na sociedade en xeral senón, especialmente, entre as xeracións máis novas que á fin e ó cabo son as depositarias de ilusións que acertarán a converterse en realidade no futuro.

b.9 CORRELINGUA.- Propiciar a reflexión sobre a situación da lingua e a importancia de activar as accións en prol dela. Para acadar tal finalidade participaremos no Correlingua, actividade lúdica, amena e interdisciplinar. Tamén se participará naqueles concursos que o Correlingua propoña, como por exemplo o concurso musical.

b.10. OUTRAS ACTIVIDADES.- Participación activa do EDLG en todas as actividades que integran a país, alumnos e profesores, especialmente en festivais de fin de curso. Téntase que o idioma forme parte neste tipo de actividade.

b.11 ASESORAMENTO LINGÜÍSTICO.- Cómpre tamén indicar que o Equipo de Dinamización Lingüística está aberto a calquera tipo de proposta que incremente o uso normalizado do idioma, así como a colaborar e asesorar lingüisticamente a tódolos departamentos, estamentos e persoas que nolo soliciten.

b.12. POTENCIACIÓN DA LECTURA.- Potenciarase a lectura en lingua galega organizando exposicións de libros no Centro (Día do Libro, Letras Galegas), campañas de animación á lectura para as vacacións de Nadal e de verán, clubs de lectura, tertulias literarias no Liceo... en colaboración cos departamentos de lingua castelá e lingua galega, vicedirección e biblioteca, convocando concursos como por exemplo “O mellor lector” e aumentando o número de volumes, tanto da biblioteca como dos diferentes departamentos. A este material hai que engadir o de carácter audiovisual, dividido en fonográfico e videográfico que teña especial interese para seguir constituíndo a videoteca do centro.

b.13. OS XOGOS POPULARES.- O EDLG aproveitará todas aquelas actividades relacionadas coa realidade galega ofrecidas por outras entidades: xogos populares ofertada polo centro de cultura popular Xaquín Lorenzo. Desta actividade encargárase o departamento de Educación Física.

b.14. INTERCAMBIO ENTRE CENTROS.- Probablemente repetiremos o intercambio de dous días co centro portugués de Vila Real do curso pasado. A correspondencia, a través de carta ou correo electrónico, serán actividades previas ó encontro físico.

b.15. DÍAS DE...- Conmemoración dos Día de... que se presenten ao longo do curso: Biblioteca, Violencia de xénero, A Paz, A Muller, Rosalía... O noso IES converterá O Día de... en Semana de... para que toda a comunidade educativa se achegue á actividade realizada.

b.16. COLABORACIÓN COA COORDINADORA AUREA.- Colaboración coa Coordinadora Áurea na que nos encontramos integrados varios centros da nosa cidade.

Ourense, 19 de outubro do 2018

A coordinadora do EDLG.

Asdo: M^a Josefa Rodríguez Valcarce

CADRO RESUMO

EQUIPO DE DINAMIZACIÓN LINGÜÍSTICA

DATA	ACTIVIDADE	COLABORACIÓN	CURSOS
TUDO O CURSO	CONCURSOS LITERARIOS	EDL, Dep. Gal., G.L, Viced, Bibliot., Outras entidades.	TODOS
TUDO O CURSO ABRIL	REPRESENTACIÓNS TEATRAIS. MOTECES	EDL, VICED., DEP DE GAL. CONCELLO	TODOS
1º,2º TRIMESTRE	ROTEIROS: .A ESMORGA .OURENSE LITERARIO	EDL, DEP GAL.	1º BAC 3º ou 4º ESO
TUDO O CURSO	ASISTENCIA A ACTOS CULTURAIS	EDL, VICED., DEP. GAL.	TODOS
TUDO O CURSO	EXCURSIÓN: TRASALBA, CASA ROSALÍA...	EDL, VICED, DEP. GAL. DEPUTACIÓN.	POR DETERMINAR
1 DECEMBRO	HOMENAXE A BLANCO AMOR	EDL, DEP. GAL, VICED., PEN CLUB	1º BAC
TUDO O CURSO	CONCURSOS GRÁFICOS	EDL, VICED, DEP. PLÁSTICA...	TODOS
ABRIL	CORRELINGUA	EDL	1º ESO

TODO O CURSO:	POTENCIACION DA LECTURA: .CAMPAÑAS DE ANIMACIÓN Á LECTURA. .CLUBS DE LECTURA / TERTULIAS LITERARIAS	EDL, VICED, DEP.GAL, GL, BIBLIOTECA	TODOS OS NIVEIS.
MAIO	CONCURSO LETRAS GALEGAS	EDL. DEP. DE GALEGO	TODOS OS ALUMNOS
SEN DETERMINAR	XOGOS POPULARES	EDL	2º ESO
2º-3º TRIMESTRE	INTERCAMBIO	EDL, DEP. GAL.	2º ou 3º ESO
TODO O CURSO	DÍAS DE...Biblioteca, violencia de xénero, a paz, a muller, Rosalía, poesía, libro...	EDL, VICED, GL, DEP. GAL, DEP. CAST.	TODOS OS ALUMNOS